

Jede Naach

Musik & Text Björn Heuser / Verlag: Dabbelju Music

Jeden Daach et selve Spill, jung, drink bloß hück nit zevill,
jede Naach die ahl Kassett, un jede Naach die Ahl im Bett.
Jeden Daach der Pissverzähl, „für dich jing ich durch de Höll“
Jo, es klor Schatz, jangk doch vüür, ich kumm bahl noh, drink koot e Bier...

**Et jitt Saache, wo mer aff un zo nit weiß, wat sull dat sin,
doch et es immer widder schön bei üch zo sin. (2x)**

Jede Morje fröh erus, Kopp jewäsche, en d'r Bus,
Autobahn bes koot noh vier, wemmer Jlöck hätt et eetzte Bier.
Dann en Woosch met Ääpelschloot, selvs jekauf, un richtig joot,
met Kabänes noch dobei, föhlt mer sich fass wie doheim...

Et jitt Saache, ...

Nä, im Ähnz mir jeiht et joot, he ze spille määät mer Moot,
denn mer weiß jo nie wat kütt, deshalb sing, ich lang et jeiht.
Un et schönste jede Naach, es wenn ihr metsingt un jet laach,
denn die Leeder die ich sing, sing ich ech nit jään allein.

La, la, la,

Jo, es joot, ich loss et sinn, söns krich ich jlich noch eine ren...

Et jitt Saache, ...